



4. januar 2016

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit innaallagissap akiata qaffannera pillugu:

- 1. Tasiilami erngup nukinganik innaallagissiorfimmi suut aserfallatsaaliinerit ingerlanneqarnikuuppat januarip ulluisa aallaqqaataani 2016-mi innaallagissap akiata 20 %-anik qaffattariaqalerneranut pissutaasut?**
- 2. Tasiilami innuttaasut suliffiillu innaallagissap akiata appartinnissaa qaqugu naatsorsuutigisinnaavaat?**
- 3. Naalackersuisut siunissami Nukissiorfiit peqqusinnaanarlugit akit nikerarnerannut pissutaasut ersarinnerusumik nassuiartalissagaat?**
- 4. Aqqusinikkut angallatinik/imaani angallatinik (biilit, qamuteralaat, angallatit allallu) Nukissiorfiit ukiumut pisisarpat aamma Naalackersuisut isumaqarpat, tamakkuningga pisineq aningaasanik atorluaanerusoq? Akissummi skema takussutissaq ilannguteqquneqarpoq allattorlugit suut pisarineqarsimanersut, pisiat sumi atorneqarnersut aamma qanoq akeqarnersut.**

(Inatsisartunut ilaasortaq Justus Hansen, Demokraatit)

Tunngavilersuut:

Ulloq 28. decembari 2015 Nukissiorfiit tusagassiutinut nalunaaruteqarpoq qulequtaqartumik "Akit nutaat". Tusagassiutinut nalunaarummi takuneqarsinnaavoq Upernavimmi innaallagissamut aki marloriaatinngortinneqarsimasoq, immikkut isertitsissaartoqarsimammat elværkip 2009-mi ikuallannerata kingorna. Aamma takuneqarsinnaavoq Tasiilami innaallagissamut aki 20 % -mik qaffattussanngortoq - akip qaffanneranut ersarluttumik tunngavilersuutigineqarpoq naatsorsuutigissamit aserfallattaaliinermut aningaasartuuteqarnerusoqarsimamera. Tunngavilersuut tamanna itisilertikkusuppara peqataanillu paaserusuppara Tasiilami innaallagissap akiata apparnissaa qaqugu naatsorsuutigineqarsinnaanersoq. Tusagassiutinummi nalunaarummi allassimavoq Tasiilami innaallagissap akia appaqqissasoq taaneqaranili qaqugu.

Naggataatigut aamma paaserusuppara Nukissiorfiit aqqusinermi angallatinut/imaani angallatinut qanoq aningaasartuuteqartarnersoq takorusukkakku aningaasartuutit taakku naapertuunnersut.

Apeqqutit akeqqakka ullut suliffiit naliginnaasut qulit iluanni.